

OFFERYNNAU STATUDOL CYMRU

**2021 No. 9**

**Rheoliadau Addysg (Ffioedd Myfyrwyr, Dyfarndaliadau a Chymorth) (Preswylfa Arferol) (Cymru) 2021**

**RHAN 7**

**DIWYGIADAU I REOLIADAU ADDYSG  
(CYMORTH I FYFYRWYR) (CYMRU) 2018**

**Diwygiadau i Reoliadau Addysg (Cymorth i Fyfyrrwyr) (Cymru) 2018**

**41.** Mae Rheoliadau Addysg (Cymorth i Fyfyrrwyr) (Cymru) 2018(1) wedi eu diwygio yn unol â rheoliadau 42 i 51.

**42.** Yn rheoliad 23—

- (a) ym mharagraff (1)(a), yn lle “yn fyfyriwr cymwys Categori 3 (gweler Atodlen 2)” rhodder “yn fyfyriwr cymwys Categori 3 neu’n fyfyriwr cymwys ar sail diogelwch dyngarol o dan baragraff 339C o’r rheolau mewnfudo (gweler Atodlen 2)”;
- (b) ym mharagraff (1)(b)(ii), ar ôl “fyfyriwr cymwys Categori 3” mewnosoder “neu’n fyfyriwr cymwys ar sail diogelwch dyngarol o dan baragraff 339C o’r rheolau mewnfudo”.

**43.** Yn rheoliad 80—

(a) yn lle paragraff (2)(b)(i) rhodder—

“(i) bod y myfyriwr, neu ei briod, ei bartner sifil neu ei riant yn cael ei gydnabod yn ffoadur, yn dod yn berson y rhoddwyd caniatâd iddo aros fel person diwladwriaeth, yn dod yn berson sydd â chaniatâd i ddod i mewn neu i aros neu’n dod yn berson y rhoddwyd diogelwch dyngarol iddo o dan baragraff 339C o’r rheolau mewnfudo;”;

(b) ym mharagraff (3), yn y lle priodol mewnosoder ““rheolau mewnfudo” (*“immigration rules”*);”.

**44.** Yn lle rheoliad 81(3)(b)(i) rhodder—

“(i) bod y myfyriwr neu ei briod, ei bartner sifil neu ei riant yn cael ei gydnabod yn ffoadur, yn dod yn berson y rhoddwyd caniatâd iddo aros fel person diwladwriaeth, yn dod yn berson sydd â chaniatâd i ddod i mewn neu i aros neu’n dod yn berson y rhoddwyd diogelwch dyngarol iddo o dan baragraff 339C o’r rheolau mewnfudo;”.

**45.** Yn Atodlen 2, ar ôl paragraff 2 (Categori 2 - ffoaduriaid ac aelodau o’u teuluoedd) mewnosoder—

(1) O.S. 2018/191 (Cy. 42), a ddiwygiwyd gan O.S. 2018/813 (Cy. 164); O.S. 2018/814 (Cy. 165); O.S. 2019/235 (Cy. 54); O.S. 2019/1094; O.S. 2019/1192 (Cy. 209); O.S. 2020/142 (Cy. 25); O.S. 2020/153 (Cy. 27); O.S. 2020/708 (Cy. 159); ac O.S. 2020/1302 (Cy. 287) (o ddiwrnod cwblhau’r cyfnod gweithredu, fel y diffinnir “IP completion day” gan Ddeddf yr Undeb Ewropeaidd (Y Cytundeb Ymadael) 2020 (p. 1), adran 39(1) i (5)).

**“Categori 2ZA - Personau a ddiogelir ac aelodau o’u teuluoedd**

**2ZA.—(1) Person—**

- (a) y rhoddwyd caniatâd iddo ddod i mewn neu aros fel person a ddiogelir,
- (b) sy'n preswyllo fel arfer yn y Deyrnas Unedig a'r Ynysoedd ac nad yw wedi peidio â phreswyllo felly ers i'r caniatâd hwnnw gael ei roi i'r person, ac
- (c) sy'n preswyllo fel arfer yng Nghymru ar ddiwrnod cyntaf blwyddyn academiaidd gyntaf y cwrs.

**(2) Person—**

- (a) sy'n briod neu'n bartner sifil i berson y rhoddwyd caniatâd iddo ddod i mewn neu aros fel person a ddiogelir,
- (b) a oedd, ar ddyddiad y cais i gael caniatâd i ddod i mewn neu i aros, yn briod neu'n bartner sifil i berson y rhoddwyd caniatâd iddo ddod i mewn neu aros fel person a ddiogelir, ac
- (c) sy'n preswyllo fel arfer yng Nghymru ar ddiwrnod cyntaf blwyddyn academiaidd gyntaf y cwrs.

**(3) Person—**

- (a) (i) sy'n blentyn i berson y rhoddwyd caniatâd iddo ddod i mewn neu aros fel person a ddiogelir, neu'n blentyn i briod neu i bartner sifil person y rhoddwyd caniatâd iddo ddod i mewn neu aros fel person a ddiogelir, a
  - (ii) a oedd, ar ddyddiad y cais i gael caniatâd i ddod i mewn neu i aros, yn blentyn i berson y rhoddwyd caniatâd iddo ddod i mewn neu aros fel person a ddiogelir neu'n blentyn i berson a oedd, ar ddyddiad y cais i gael caniatâd i ddod i mewn neu i aros, yn briod neu'n bartner sifil i berson y rhoddwyd caniatâd iddo ddod i mewn neu aros fel person a ddiogelir,
- (b) a oedd o dan 18 oed ar ddyddiad y cais i gael caniatâd i ddod i mewn neu i aros, ac
- (c) sy'n preswyllo fel arfer yng Nghymru ar ddiwrnod cyntaf blwyddyn academiaidd gyntaf y cwrs.

**(4) Yn y paragraff hwn—**

- (a) ystyr “dyddiad y cais i gael caniatâd i ddod i mewn neu i aros” yw'r dyddiad y gwnaeth person gais am ganiatâd i ddod i mewn neu i aros yn y Deyrnas Unedig sy'n arwain at berson yn dod yn berson y rhoddwyd caniatâd iddo ddod i mewn neu aros fel person a ddiogelir;
- (b) ystyr “person y rhoddwyd caniatâd iddo ddod i mewn neu aros fel person a ddiogelir” yw person a chanddo ganiatâd cyfredol i ddod i mewn neu i aros ar sail diogelwch dyngarol o dan baragraff 339C o'r rheolau mewnfudo.”

**46.** Yn Atodlen 2, ym mharagraff 2A (Categori 2A - personau y rhoddwyd caniatâd iddynt aros fel personau diwladwriaeth ac aelodau o’u teuluoedd)—

**(a) yn lle is-baragraff (1) rhodder—**

“(1) Person y rhoddwyd caniatâd iddo aros fel person diwladwriaeth sy'n preswyllo fel arfer yng Nghymru ar ddiwrnod cyntaf blwyddyn academiaidd gyntaf y cwrs.”;

- (b) ar ddiwedd is-baragraff (2)(a)(ii) mewnosoder “a”;
- (c) ar ddiwedd is-baragraff (2)(b) yn lle “, ac” rhodder atalnod llawn;
- (d) hepgorer is-baragraff (2)(c);
- (e) ar ddiwedd is-baragraff (3)(b) mewnosoder “ac”;

- (f) ar ddiwedd is-baragraff (3)(c) yn lle “, a” rhodder atalnod llawn;
- (g) hepgorer is-baragraff (3)(d).

**47.** Yn Atodlen 2, ym mharagraff 3 (Categori 3 - personau sydd â chaniatâd i ddod i mewn neu i aros ac aelodau o’u teuluoedd), yn is-baragraff (4)(a)(i), yn lle “diogelwch dyngarol neu ganiatâd” rhodder “caniatâd”.

**48.** Yn Atodlen 2, ym mharagraff 3A (Categori 3A - personau sydd â chaniatâd i aros o dan adran 67)—

- (a) ar ddiwedd is-baragraff (1)(a) mewnosoder “a”;
- (b) ar ddiwedd is-baragraff (1)(b) yn lle “, ac” rhodder atalnod llawn;
- (c) hepgorer is-baragraff (1)(c);
- (d) ar ddiwedd is-baragraff (2)(b) mewnosoder “ac”;
- (e) ar ddiwedd is-baragraff (2)(c) yn lle “, a” rhodder atalnod llawn;
- (f) hepgorer is-baragraff (2)(d).

**49.** Yn Atodlen 4 (grant myfyriwr ôl-raddedig anabl), ym mharagraff 13 (personau eraill y mae eu caniatâd i ddod i mewn neu i aros wedi dod i ben)—

- (a) yn is-baragraff (1)(a), yn lle “yn fyfyriwr ôl-raddedig cymwys categori 3 (gweler Atodlen 2)” rhodder “yn fyfyriwr ôl-raddedig cymwys categori 3 neu’n fyfyriwr ôl-raddedig cymwys ar sail diogelwch dyngarol o dan baragraff 339C o’r rheolau mewnfudo (gweler Atodlen 2)”;
- (b) yn is-baragraff (1)(b)(ii), ar ôl “yn fyfyriwr ôl-raddedig cymwys categori 3” mewnosoder “neu’n fyfyriwr ôl-raddedig cymwys ar sail diogelwch dyngarol o dan baragraff 339C o’r rheolau mewnfudo”.

**50.** Yn Atodlen 4, ym mharagraff 14 (dod yn gymwys yn ystod blwyddyn academiaidd)—

- (a) yn lle is-baragraff (3)(b)(i) rhodder—
  - “(i) bod y myfyriwr neu ei briod, ei bartner sifil neu ei riant yn cael ei gydnabod yn ffoadur, yn dod yn berson y rhoddwyd caniatâd iddo aros fel person diwladwriaeth, yn dod yn berson sydd â chaniatâd i ddod i mewn neu i aros neu’n dod yn berson y rhoddwyd diogelwch dyngarol iddo o dan baragraff 339C o’r rheolau mewnfudo;”;
- (b) yn is-baragraff (4), yn y lle priodol mewnosoder ““rheolau mewnfudo” (“*immigration rules*”);”.

**51.** Yn Atodlen 5, ym mharagraff 4 (myfyriwr sy’n dod yn gymwys yn ystod blwyddyn academiaidd)—

- (a) yn lle is-baragraff (2)(a) rhodder—
  - “(a) bod y myfyriwr neu ei briod, ei bartner sifil neu ei riant yn cael ei gydnabod yn ffoadur, yn dod yn berson y rhoddwyd caniatâd iddo aros fel person diwladwriaeth, yn dod yn berson sydd â chaniatâd i ddod i mewn neu i aros neu’n dod yn berson y rhoddwyd diogelwch dyngarol iddo o dan baragraff 339C o’r rheolau mewnfudo;”;
- (b) yn is-baragraff (3), yn y lle priodol mewnosoder ““rheolau mewnfudo” (“*immigration rules*”);”.